

本书出版得到国家古籍整理出版专项经费资助

清代吏治史料

线装书局

官员銓选史料
一七

清代吏治史料

綫裝書局



署理吏部尚書事務領侍衛內臣三等公降二級加級臣傳爾丹等謹
題為請留賢員仰祈

睿鑒事該臣等議得福晉高其倬疏稱候官一縣地當省會事繁俗
玩縣令難得其人且錢糧歷年不清奸書侵隱頑戶拖延其弊不
一而足非極力徹底整頓一番則從前之欠數雖清而將來之拖
積仍在臣查該署令獲本潔自署理三月以來為人明白事
寔心料理且于錢糧一節清查功愆不遺餘力又甫舉行順村
濠催之法期于清楚到底若令在任年餘必有成效近准部咨
因署晉江縣任內有營兵產民等事一葉降一級調用復蒙

聖恩令其赴部引

見臣因地方需人遂見請准獲本潔仍帶降級留任俟其錢糧查辦
頭緒一清之後即給咨送部引

見于地方有益等因具題前來

查候補令蘓本潔于前署晉江縣

在內因營丁虐民不行通報經福調任巡撫常賚題叅兵部會同臣部議以補官日降一級用等因具題奉

旨依議蘓本潔將任內事務交代清楚後送部引見欽此欽遵在案

今該督既稱該員自署候官縣事務三月以來為人明白事

寔心料理且于錢糧一節清查勸懲不遺餘力又肅奉行順

村滾催之法期于清楚到底若令在任年餘必有成效等語

應如所請蘓本潔准其帶降一級回任俟其錢糧查辦清楚

之後給咨送部引

見可也謹

題請

旨雍正六年五月十八日題五月二十日奉

旨依議蘓本潔既經該督題請回任不必送部引見

江南總督臣范時繹謹

題為欽奉

上諭事該臣看得上海縣員缺奉

旨令臣等在于見任知縣內揀選調補隨經欽遵詳查止因江省錢谷刑名信于他省各州縣內悉多叅罰案件難得合例之員若稍稱簡僻循分自守者又難勝任恭讀

諭旨九條奉旨題補之缺與尋常炤例題補者不同若應陞官員內無合例之員即應將不合例而可以陞任者題補俾將不合例之處于本內敘明具奏請旨仰見

聖主加意民生務使人地相宜之至意今查有鹽城令于本宏人材歷練辦事勤敏雖任內有承追未完一案與例不符而于上海一缺

可以勝任相應遵

旨據選調補教明具

題其所遺鹽城縣缺查有試用令孫蔭孫辦事明白遵

旨酌量

題補仍候試用一年限滿另請實授再于本宏已于雍正四年四月

內引

見未滿三年田畝送部謹

題請

旨雍正六年五月初四日題五月二十日奉

旨于本宏着照該督所請調補餘着議奏該部知道

四川巡撫臣憲德謹

題為欽奉

上諭事該臣看得先准部咨行令捐陞道府以下雜職等官以上俱令于見任內試俸三年果能稱職者具題准其實授等因行司去後嗣准部咨凡試俸各官在雍正元年十一月二十六日

恩詔以前到任者無論已未滿三年俱應准其定授在

恩詔以後到任者仍照創令其試俸等因又經行司遵照在案茲據布政使管承澤等詳稱夾江令孟金章由舉人揀選知縣捐納出身之員于雍正二年二月初四日到任五年正月初四日試俸已滿三年任內並無虧空錢糧亦無未完倉盜案件該員果係稱職之員應請照例定授等情前來臣查無異謹合詞具

題伏祈

皇上勅部查照准其定授謹

題請

旨雍正六年四月二十四日題五月二十日奉

旨該部議奏

河道總督臣齊夔勳謹

題為

題明事竊照江南淮安府宿桃中河通判員缺經臣等揀選將効力候補令于贊提正効力候選州同陳景濂提陪于雍正六年四月十三日具疏

題補并予甄內敬明俟遇霜降水落工平之候給咨該員等赴部引

見在案今于四月十九日勘于鰲呈稱切卑敢嫡母蔣氏居住涿州本年四月十一日有家人保住來工報稱職母于本年三月十七日病故聞訃創應丁尤理合呈報等情到臣據此該臣看得淮安府宿桃中河通判一缺查管黃運西河坦埽工程兼轄駱馬湖蓄洩事宜最關緊要今擬正之于贊既已丁尤未便補授理合

題明另行遞補今查有見在揚州府下河通判赫達色為人謹
厚勤于修防其所管下河上道較比黃運兩河工程尚屬簡
易查河員向有調補之例

請將赫達色調補淮安府宿甬中河通判寔屬人地相宜工程有
裨而河防不致貽誤矣再查赫達色係奉

旨發往河工之員曾經引

見今對品調補應否送部引

見仰候

聖裁除將該員履另行造冊送部查核外臣等謹循例保

題伏乞

皇睿鑒勅部議奏施行謹

題請

首雍正七年四月二十八日題五月二十日奉

旨該部議奏

山西巡撫臣石麟謹

題為欽奉

上諭事該臣看得本省學政正教諭凡有陞任丁尤事故等事開缺者將部發會試下第舉人挨次補授茲據署布政使印按察使蔣洞呈稱六年春季分太谷縣教諭缺出以聞喜縣舉人黃鑑補授等情前前來臣查太谷縣教諭一缺遵昭部文將下第舉人黃鑑挨次補授經臣飭該員小心供職在案今值春季已終例應

題報謹

題請

旨雍正六年五月初八日題五月二十日奉

旨該部知道

太子太傅內閣兼吏部行走加三級臣朱軾等謹

題為補授尚書事該臣等議得吏部尚書稽曾筠補授吏部尚書

員缺應補查吏部左侍郎楊汝毅

盛京戶部侍郎王朝恩俱有降級留任之案禮部右侍郎彭維新尚
未到任均不開列外應將都察院左都御史唐執玉等職名開列具

題恭候

皇上簡用謹

題請

旨

計開

都察院左都御史唐執玉江南進士

吏部左侍郎石文焯正白旗例監

吏部右侍郎兼管刑部侍郎事柯世璠山東進士

戶部左侍郎兼吏部侍郎署順天府戶部事史貽直江南

進士

戶部倉場侍郎劉子義江南進士

禮部左侍郎錢以壇浙江進士

兵部右侍郎協理副都御史胡煦河南進士

刑部左侍郎黃炳正白旗監生

刑部右侍郎覃時書山東進士

出差

工部左侍郎兼內閣學士行走吳士玉江南進士

雍正六年五月初二日五月二十一日奉

旨石文焯補授兵部尚書

湖北巡撫臣馬會伯謹

題為欽奉

上諭事該臣看得新選新補教職原准部咨嗣後停其來京考

試引

見仍照旧例行令均臣考試分別等第文理平通可用者年終彙題
如文理不通并年老不及者革退咨部開缺等因又查雍正
四年十二月內准吏部咨嗣後各省教官考試三等者仍
照例給憑赴任四等^五者俱令解任學習三年再行考試六
等者革職等因經前撫臣轉行在案今據另案附奏而
政使黃焜詳稱五年分先後奉到部文新選教職李通
理經前撫臣德考試二等朱道正等三等黃彥安等經
前撫臣傳欽考試考試三等王兆麟等經臣考試二等李

士榮等考試三等均各領憑赴任其憑領日期已經先後咨部將考試等第造冊呈詳

題是并稱陞補教職李若海詹士廉從前俱已考過炤例免考冊內毋容造入又萬大成雖于五年十二月內准到部咨但六年二月內查催詳送考驗其過考第等應同雍正六年分所考教職彙請

題振等情前來經臣查無異除冊送部外謹具疏題報雍正六年四月二十九日題五月二十一日奉
旨該部知道

太子太傅內閣兼吏部行走加三級臣朱軾等謹

題為請

旨事該臣等議得河道總督齊蘇勒琿稱江南淮安府宿桃
中河通判張允國陞任淮安府中河通判包白黑草職淮
安府山盱通判萬大受休致所遺各缺均關緊要查有効
力候選令于鰲勳候選州同應陞張鎧候選令朱定
元候選同知程涵候選令張文偉俱勤于修防辦事明
白所有淮安府宿桃中河通判判員缺將于鰲勳擬正陳
景濂擬陪淮安府安清中河通判員缺將張鎧擬正朱定
元擬陪淮安府山盱通判員缺將程涵擬正張文偉擬陪今
時值伏汛正水長戾防之際未便遽離汛守應俟霜降水落